

ТУМАН КЕНГАШИ СЕССИЯСИДА

Олтинчи чақириқ халқ депутатлари Тошлоқ туман Кенгашининг ўн тўққизинчи сессияси бўлиб ўтди. Уни туман Кенгаши раисининг ўринбосари Т.Солиев очди ва олиб борди.

Сессияга халқ депутатлари туман Кенгаши депутатлари, тумандаги сектор раҳбарлари, туман ҳокимининг ўринбосарлари, иқтисодий соҳадаги ташкилот раҳбарлари, масалага даҳлдор корхона ва муассаса раҳбарлари ҳамда ОАВ вакиллари таклиф этилди.

Сессия кун тартибига Ўзбекистон Республикаси Президенти Ш.М.Мирзиёев раҳбарлигига 2020 йил 24 сентябрь куни ўтказилган видеоселектор йиғилишида ҳудудларни ижтимоий-иктисодий ривожлантиришни рейтинг баҳолаш натижалари, шунингдек, рейтинг натижаларига асосан йил якунiga қадар ва келгуси йилнинг биринчи ярмида эришиладиган мақсадли кўрсаткичлардан иборат аниқ чора-тадбирлар, муддатлар ва масъул ижрочилар акс эттирилган амалий чора-тадбирлар дастурини ишлаб чиқиш бўйича туман сектор раҳбарларининг ахбороти киритилди.

Дастлаб сессия иштирокчилари туман ҳокими, 1-сектор раҳбари Абдуқаҳор Джурабаевнинг ахборотини тингладилар.

Ахборот берувчи мамлакатда тадбиркорлик ташабbusлари ва лойиҳаларини жадал амалга оширишни ташкил этиш, аҳоли билан мулоқот тизимини йўлга қўйиш, аҳоли турмуш даражаси ва бандлигини ошириш, ҳудудларни жадал ва комплекс ижтимоий-иктисодий ривожлантиришни таъминлашда маҳаллий ижроия ҳокимияти органлари раҳбарларининг шахсий жавобгарлигини ошириш бўйича комплекс чора-тадбирларни амалга оширилиш мақсадида Давлатимиз раҳбарининг 2020 йил 1 майдаги “Ҳудудларни ижтимоий-иктисодий ривожлантиришни рейтинг баҳолаш тизимини жорий этиш тўғрисида”ги ПҚ-4702-сон қарори қабул қилингани, унга кўра туманлар ва шаҳарларнинг ижтимоий-иктисодий ривожланишини ҳар иили рейтинг баҳолаш тизими жорий этилганига тўхталиб ўтди. Шу билан бирга жорий йил 24 сентябрь куни Ўзбекистон Республикаси Президенти Ш.М.Мирзиёев раҳбарлигига бўлиб ўтган видеоселектор йиғилишида ҳудудларни ижтимоий-иктисодий ривожланиш даражасини баҳолашнинг рейтинг кўрсаткичлари натижасига кўра Тошлоқ тумани яшил тоифага киритилиб, “Яхши” баҳоланган 48 та шаҳар ва туманлар қаторида қайд этилганлиги таъкидланди.

Шунингдек, Президентимиз топшириғига асосан “Яшил ҳудуд” деб топилган 48 та туман ва шаҳарлар, шу жумладан Тошлоқ туманининг ҳам барча иқтисодий кўрсаткичларини, жорий йил якунiga қадар 30 фоизга ошириб бажариш борасида белгилаб олинган барча зарурий чора-тадбирлар билан йиғилганларни таништириб ўтди.

Шундан сўнг туман прокурори, 2-сектор раҳбари А.Худойберганов, шаҳар ИИБ бошлиғи, 3-сектор раҳбари Ф.Бектошев, туман солиқ инспекцияси бошлиғи, 4-сектор раҳбари Қ.Бекмирзаевларнинг кун тартиbidаги масала юзасидан ахборотлари тингланди.

Шунингдек, сессияда вилоят ҳокимининг ўринбосари, Маҳалла ва оилани қўллаб-қувватлаш бошқармаси бошлиғи Саидмурод Аминжонов кун тартиbidаги масала юзасидан фикр-мулоҳазаларини билдириди.

Сессияда кўрилган масала юзасидан қарор қабул қилинди.

Шу билан халқ депутатлари туман Кенгашининг 19-сессияси ўз ишини якунлади.

2020-10-05 19:41:50